

四庫全書

經部

欽定四庫全書


禮書卷八十六

宋 陳祥道 撰

禮書圖

大夫餼禮


天子諸侯餼禮見於經尤
畧今圖大夫士餼禮于後



地道尊右故
二佐食皆在
賓長之右


士餽禮

廟 室



蜃器

掌蜃祭祀共蜃器之蜃鄭氏曰飾祭器之屬也匱人凡四方百物用蜃器



大夫餽禮

天子諸侯餽禮見於經尤畧今圖大夫士餽禮于後

士餽禮

特牲禮尸謖佐食徹尸俎俎出于廟門徹庶羞設于西

序下

為將餽去之

筵對席佐食分簋鉶宗人遣舉奠及長兄

弟與立于西階下東面北上祝命嘗食養者舉奠許諾
升入東面長兄弟對之皆坐佐食授舉各一膚主人西
面再拜祝曰養有以也兩養奠舉于俎許諾皆答拜若
是者三皆取舉祭食祭舉及食祭鉶食舉卒食主人降

洗爵宰贊一爵主人升酌醕上養拜受爵主人答拜醕
下養亦如之主人拜祝曰養有與也如初儀兩養執爵
拜祭酒卒爵拜主人答拜兩養皆降實爵于篚上養洗
爵升酌酢主人主人拜受爵上養即位坐答拜主人坐
祭卒爵拜上養答拜受爵降實于篚主人出立于戶外
西面祝命徹胾俎豆籩設于東序下少牢禮尸設佐食
徹胾俎降設于堂下胾階南司宮設對席乃四人養上
佐食盥升下佐食對之賓長二人備司士進一敦黍于

上佐食又進一敦黍于上佐食又進一敦黍于下佐食
皆右之于席上資黍于羊俎兩端兩下是餽司士乃辨
舉養者皆祭炙祭舉主人西面三拜養者養者奠舉于
俎皆答拜皆反取舉司士進一鉶于上養又進一鉶于
次養又進二豆湑于兩下乃皆食食舉卒食主人洗一
爵升酌以授上養贊者洗三爵酌主受于戶內以授次
養若是以辨皆不拜受爵主人西面三拜養者養者奠
爵皆答拜皆祭酒卒爵奠爵皆拜主人答一拜養者三

人興出上養止主人受上養爵酌以酢于戶內西面坐奠爵拜上養答拜坐祭酒啐酒上養親啐曰主人受祭之福胡壽保建家室主人興坐奠爵拜執爵以興坐卒爵拜上養答拜上養興出主人送乃退文王世子曰其祭餼獻受爵則以上嗣禮記曰餼者祭之末也尸亦餼鬼神之餘也惠術也可以觀政矣故尸餼君與卿四人餼君起大夫六人餼臣餼君之餘也大夫起士八人餼賤餼貴之餘也士起各執其具以出陳于堂下百官進徹

之下餽上之餘也

百官進而餽鄰
改進為餽升

凡餽之道每變以衆

所以別貴賤之等而興施惠之象也是故以四簋黍見其修於廟中也廟中者境內之象也

祭禮利成則尸謖尸謖則命養士養舉奠與長兄弟則上養下養二人而已故一簋一鉶所謂佐食分簋鉶是也上大夫之養上佐食下佐食賓長二人則上養次養四人而已故兩鉶二豆所謂司士進一敦黍于上佐食又進一敦黍于上佐食又進一敦黍于下

佐食資黍于羊俎兩端兩下是養司士進一鉶于上
養又進二豆于兩下是也然則諸侯以四簋黍則每
變以衆其分而資之可知矣養之簋大夫倍士諸侯
倍大夫每進不過以兩孔穎達謂諸侯之祭六簋留
二以為陽厭不可考也天子諸侯之養自君以至百
官而煇胞翟閭之吏皆與焉以明惠周於境內也大
夫之餼二佐食二賓長而已以明惠及於其臣也士
之餼舉奠與長兄弟而已以明惠止於其親也蓋餼

筵於室中就神位也用尸之簋鉶施神惠也其禮則降與俟命而後升祭舉祭鉶然後食拜醑祭酒而後飲其位則上養東面下養不酢而先降上養酢而後出餽之大畧也然士養於其舉也戒之曰養有以也於其醑也戒之曰養有與也而大夫之養不戒士養受爵皆拜而大夫之養受爵不拜大夫之上養不親酢而親嘏士之上養親酢而不嘏何也大夫之養不戒以其非舉奠也受爵不拜以其非貴者也上養不

親酢以其親嘏也士之上養不嘏此其降於大夫歟

脤膳蜃器

致福

大宗伯以脤膳親兄弟之國行人歸脤交諸侯之福春秋書天王使石尚來歸脤公羊曰石尚者何天子之士

也脤者何也俎實也腥曰脤熟曰膳

何休曰禮諸侯朝天子助祭於宗廟

然後受俎實魯不助祭而歸之故譏

穀梁曰脤者何祭肉也生曰脤熟曰

膳石尚士也天子之大夫不名石尚欲書春秋諫曰久

矣周之不行禮於魯也請行脤貴復正也左氏稱劉康公成肅公會晉侯伐秦成子受脤于社不敬劉子曰國之大事在祀與戎祀有執膳戎有受脤神之大節也

成十

三年杜氏曰脤祭社之肉盛以脤器

王使宰孔賜齊侯胙曰天子有事于

文武使孔賜伯舅胙齊侯下拜登受

僖公九年

宋成公如楚

還入鄭鄭伯將享之問禮於皇武子對曰宋先代之後也於周為客天子有事膳焉孔子曰非祭肉不拜祭肉不出三日出三日不食之矣孟子曰孔子於魯膳肉不

至不稅冕而行周禮膳夫祭祀之致福者受而膳之都宗人凡都祭祀致福于國家宗人凡祭祀致福少儀曰為人祭曰致福為已祭而致膳於君子曰膳祔練曰告凡膳告於君子主人展之以授使者于阼階之南南面再拜稽首送反命主人又再拜稽首其禮太牢則以牛左肩臂臠折九个少牢則以羊左肩七个植豕則以豕左肩五个玉藻曰膳於君有葷桃茢於大夫去茢於士去葷楊子曰秦用事四帝而天下不匡反致文武昨

腥曰脰熟曰膳蜃以盛之也

周禮掌蜃祭
祀共蜃器

膳燔以熟

之也周禮大宗伯以血祭祭社稷五祀以饋食享先
王是社稷主腥故謂之脰宗廟主熟故謂之膳春秋
傳曰祀有執膳戎有受脰是也兄弟之國親也故兼
脰膳以賜之諸侯之國疎也故歸脰而已大宗伯以
脰膳親兄弟之國行人歸脰以交諸侯之福是也然
天子交福於諸侯而諸侯有致福于天子致福亦謂
之致膳

少儀曰為人祭曰致福為己祭
而致膳於君子曰膳祔練曰告

致膳以肩不

以膊貴其前也肩以左不以右右以祭也

少儀凡膳告於君子

太牢則以牛左肩臂膊折九個少牢則以羊左肩七個牲豕則以豕左肩五個用葷桃茢

不祥也

玉藻曰膳於君有葷桃茢於大夫去茢於士去葷

拜送拜反重其禮

也

凡膳告於君子主人展以授使者于阼階之南面再拜稽首送反命主人又再拜稽首

受而

膳之同其福也春秋書天王使石尚來歸賑穀梁曰

石尚欲書春秋請行賑貴復正也考之春秋天子之

大夫稱官若字士稱名石尚士也故名之行賑雖正

然諸侯非助祭而歸之則祭肉其能均乎何休謂魯

不助祭而歸之故譏其說是也玉藻言膳於君大夫
士者致福之膳也非致福之膳則無事於桃茢鄭氏
以膳為凡美食誤也致福致膳吉禮也祔練之胙則
曰吉而已顏淵之喪饋祥肉孔子彈琴而後食此吉
肉也


禮書卷八十六

欽定四庫全書


禮書卷八十七

宋 陳祥道 撰

禮書圖
祭日祊



明日祊



祭日祔

明日祔

楚茨之詩曰祝祭于祔祀事孔明

祔門內也箋云孝子不知神之所在故博

求之平生門內之旁待賓客之處祀禮於是甚明正義曰釋宮云闕謂之門李巡曰闕廟門名孫炎曰詩云祝祭于祔祔謂廟門也彼直言門知門內者以正祭之禮不宜出廟門也而郊特牲云直祭祀于主注云直正也謂薦熟時也祭以熟為正又曰索祭祝於祔注云廟門外曰祔又注祔之禮宜於廟門外之西室與此不同者以彼祔祭對正祭是明日之名又彼記又稱祔之於東方為失明在西方與釋具在門故禮罷曰為祔於外祭統曰而出於祔對設祭於堂為正是亦明日之輝故皆在門外與此不同以廟門為之祔知內外皆有祔稱

也明此祔廟門之名其內得有待賓客之處者聘禮公
食大夫皆行事於廟其待之迎於大門之內則天子之
禮焉其迎諸侯之臣或於廟門內也繹祭之祔在廟門
外之西北正祭之祔或在廟門內之西天子迎賓在門
東北祭當在門西大率繫繹衣詩曰繹賓尸也繹又祭
之門內為待賓客之處也
諸侯曰繹以祭之明日卿大夫曰賓尸與祭同曰正義
曰繹又祭釋天大孝巡曰繹名曰復祭曰又祭知天子
諸侯同名曰繹以祭之明日者宣八年六月辛巳有事
于太廟仲遂卒于垂壬午猶繹魯為諸侯用祭之明日
則天子之禮同名曰繹故知天子亦以祭之明日也故
公羊傳曰繹者何祭之明日也知卿大夫曰賓尸者今
少牢饋食禮者卿大夫之祭禮也其下篇有司徹云若
不賓尸注云不賓尸謂下大夫也以言若不賓尸是有
賓尸者有司徹所行即賓尸之禮是卿大夫曰賓尸案
其禮非異日之事故知與祭同日然則天子諸侯謂之

欽定四庫全書

卷八十七

釋卿大夫謂之賓尸是釋與賓尸事不同矣而此序云
釋賓尸者釋祭之禮主為賓事此尸但天子諸侯禮大
異日為之別為立名謂之釋言其尋釋昨日卿大夫禮
小同日為之不別立名直云祔指其事謂之賓尸耳此
序言者是祭之名賓尸是此祭之事故特詳其文也
周曰釋商謂之彤者因釋又祭遂引釋文以明異代之
禮別也彼云周曰釋商曰彤孫炎曰彤者亦禮罷言設
相尋不絕之意尚書有高宗彤日是其事也

祭于堂為祔乎外故曰於彼乎於此乎

設祭之饌於堂人君禮然祔祭

明日之釋祭也謂之祔者於廟門之旁因名焉其祭之
禮既設祭於室而事尸於堂孝子求神非一處也周禮
曰夏后氏世室門堂三之二室三之一詩頌緣衣曰自
堂徂基正義曰設祭于堂謂薦腥爛之時設此所薦饌
在於堂為祔乎外祔謂明日釋祭在廟門之旁謂之祔
言為此祔祭在於廟門外之西也又此云為祔乎外稱

祭故知明日繹祭也郊特牲云索祭祀于祊不云外故鄭彼注不云明日繹祭云謂之祊者于廟門外之旁因名焉者以擇宮云廟門之祊今曰繹祭在廟門外之西旁因以廟門為稱故云因名焉其祭之禮既設祭於室而事尸於堂者以正祭設薦在室故繹祭亦設饌在室案有司徹上大夫賓尸坐尸侑於堂酌而獻尸故知入君亦祭亦事尸於堂也但卿大夫賓尸禮略不設祭於室又不在廟門異於君也云夏后氏世室門堂三之二室三之一者證廟門之旁有室有堂也又引頌繇衣之篇者證繹祭在堂事尸也

郊特牲孔子

曰繹之於庫門內祊之於東方失之矣直祭祀于主索祭祀于祊不知神之所在於彼乎於此乎或諸遠入乎祭于祊尚曰求諸遠者與祊之為言倥也

直正也祭以薦熟為正言

欽定四庫全書

卷八十七

薦熟正祭之時祝官以祝辭告于主若儀禮少牢敢用柔毛剛鬣用薦歲事于皇祖某是也索求也廣博求神非但在廟又為求祭祝官行祭在於祊也祊謂廟門祭于廟門凡祊有二種一是正祭之時既設祭於廟又求神於廟門之內詩楚茨云祝祭于祊注云祊門內平生待賓客之處與祭同日也是明日繹祭之時設饌於廟門外西室亦謂之祊即上文云祊之于東方注祊之禮宜于廟門外之西室是也今此索祭于祊當是正祭日之祊矣知者禮器云為祊乎外以其稱外故注云祊祭明日之繹祭鄭又注上直云廟門曰祊亦不外是據正祭日祊也故下云所之為言敬也相饗之也綴長也大也血毛告幽全之物是皆據正祭之日明此祊亦正祭義曰孝子臨尸而不怍君牽牲夫人奠盎君獻尸

日祭

夫人薦豆卿大夫相君命婦相夫人齊齊乎其敬也愉

愉乎其忠也勿勿諸其欲其饗之也詩曰明發不寐有

懷二人文王之謂也祭之明日明發不寐饗而致之又

從而思之

奠盎設盎齊之奠也此時君牽牲將薦毛血君獻尸而夫人薦豆謂繹也儋尸主人獻尸

主婦自東房薦韭醢祭之明日謂繹日也言繹之夜不寐疏謂繹日也者以其先云君獻尸後云夫人薦豆

故故知繹日也引有司徹之文者證儋尸之時先獻後薦上大夫儋尸即天子諸侯之繹也

祭統曰

詔祝於室而出于祔此交神明之道也

謂祝官以言詔告祝請其尸於

室求之而出于祔者謂明日繹祭而出廟門旁廟求神於門外之旁神明難測不可一處之或門旁不敢定是

與神明交

書高宗彤日

祭之明

春秋書辛巳有事于太

廟仲遂卒于垂壬午猶繹穀梁曰繹者祭之明日之享賓也公羊曰繹者何祭之明日也家語衛莊公變宗廟易市朝高子問於孔子曰周禮繹祭於祊祊在廟門之西今衛君更之如之何孔子曰繹之於庫門內祊之於東方失之矣爾雅曰閤謂之門

李巡張炎曰祊廟門也

繹又祭也

夏曰復祊商曰祊周曰繹

禮有正祭之祊有繹祭之祊於祊求諸遠者也祊於西尊其右也詩云以往烝嘗或剝或烹或肆或將而

繼之以祝祭于祊此正祭之祊也禮言設祭於堂為祊乎外家語言繹祭於祊此繹祭之祊也正祭之祊位於門內之西室故毛氏釋詩以祊為門內繹祭之祊位於門外之西室故鄭氏釋郊特牲以祊於門外蓋祊其位也繹其祭也賓尸其事也繹祭謂之祊而祭之祊不謂之繹繹之名特施於天子諸侯賓尸之名亦施於卿大夫鄭氏以卿大夫賓尸在堂故謂祊於門外之西室繹又於其堂孔穎達申之云求神在

室接尸在堂於義或然卿大夫有賓尸則正祭無加
爵無陽厭下大夫士無賓尸故正祭有加爵有陽厭
必於明日春秋書辛巳有事於太廟壬午猶繹穀梁
曰繹者祭之明日之享公羊曰繹者何祭之明日是
也賓尸則祭日而已儀禮有司徹掃堂攝酒迎尸而
賓之是也繹於明日則異牲詩曰自羊俎牛是也賓
尸於祭日則用正祭之牲而已有司徹音尋爓尸俎是
也蓋正祭重而主於禮神繹輕而主於禮尸重故省

牲視具在宗伯輕故使士焉則絲衣其紆載弁俵俵者士而爵弁絲衣者也主於禮神故在室主於禮尸故在堂則自堂徂基掃堂設筵者皆堂上之事也考之儀禮大夫正祭不迎尸而賓尸迎之正祭有祝而賓尸有侑正祭先薦後獻賓尸先獻後薦正祭之鼎五賓尸之鼎三正祭之牲體進下賓尸之牲體進膳正祭之魚縮載賓尸之魚橫載正祭主人獻尸而尸酢之於獻祝佐食之前賓尸主人獻尸而尸酢之於

獻侑之後凡此皆與正祭不同則主人迎尸尸後酢
主人所以伸主人也先獻後薦而進下所以醉飽尸
也其飲至於無筭其罰至於兕觥則繹祭可知矣

拜儀上

禮曰拜服也稽首服之甚也拜稽顙哀戚之至隱也
稽顙隱之甚也荀卿曰平衡曰拜下衡曰稽首至地
曰稽顙許慎曰頓下首也然則書稱拜手稽首則拜
手手拜也稽首首至地也荀卿所謂下衡曰稽首是

也稽顙則首至地矣荀卿所謂至地曰稽顙是也太
祝言禮之重者則先稽首而繼之以頓首空首振動
言禮之輕者則先竒拜而繼之以褒拜肅拜則頓首
空首振動重禮之漸殺者也褒拜肅拜輕禮之尤殺
者也然則稽首拜手而稽留焉頓首則首頓於手而
已空首不至於手空其首而已竒拜一拜也儀禮鄉
飲鄉射聘禮士相見凡禮之殺者皆一拜是也肅拜
俯其手而肅之也婦人與介者之拜也少儀曰婦人

雖有君賜肅拜為尸坐則不手拜肅拜為喪主則不
手拜然則所謂手拜者手至地也士婚禮婦拜扱地
是也喪拜介於一拜肅拜之間則禮固殺矣其詳不
可考也記曰大夫之臣不稽首避君也孟武伯曰非
天子寡君無所稽首知武子曰天子在君稽首寡君
懼矣是稽首者諸侯於天子大夫士於其君之禮也
然君於臣有所稽首書稱太甲稽首於伊尹成王稽
首於周公是也大夫於非其君亦有所稽首儀禮公

勞賓賓再拜稽首勞介介再拜稽首是也蓋君子行禮於其所敬者無所不用其至則君稽首於其臣者尊德也大夫士稽首於非其君者尊主人也春秋之時晉穆嬴抱太子頓首於趙宣子魯季平子頓首於叔孫則頓首非施於尊者之禮也鄭氏謂稽首頭至地頓首頭叩地空首頭至手褒讀為報再拜也又引書曰王動色變為振動之拜比不可考

拜儀下

檀弓曰拜而後稽顙顙乎其順也稽顙而後拜頌乎其至也三年之喪吾從其至者又曰晉獻公之喪秦穆公使人弔公子重耳稽顙而不拜哭而起起而不私穆公曰夫稽顙而不拜則未為後也故不成拜哭而起則愛父也起而不私則遠利也又曰拜稽顙哀戚之至隱也稽顙隱之甚也喪服小記曰為父母長子稽顙大夫弔之雖總必稽顙婦人為夫與長子稽顙其餘則否

孔穎達曰

重服稽顙而後拜賓期以下拜賓而後稽顙

少儀曰婦人吉事雖君賜肅拜為

喪主則不手拜

肅拜低頭手拜手至地婦人以肅拜為正凶事乃手拜為喪主不手拜者為

夫與長子當稽顙也其餘亦手拜而已或曰為喪主則不手拜肅拜也

雜記為妻父母在

不杖不稽顙母在不稽顙者其贈也拜

母在於贈拜得稽顙則父在贈

拜不不弔者含者槨者入皆子拜稽顙又曰三年之喪以

其喪拜非三年之喪以吉拜

稽顙而後拜曰喪拜而後稽顙曰吉拜

又曰

廋焚孔子拜鄉人為火者拜之士一丈夫再亦相弔之

道也喪大記小斂男奉尸夷于堂降拜

降拜拜賓也

君拜寄

公國賓士大夫拜卿大夫於位於士旁三拜夫人亦拜

寄公夫人於堂上大夫內子士妻特拜命婦汜拜衆賓
于堂上其無女主則男主拜女賓于寢門內其無男主
則女子拜賓于阼階下子幼則以衰抱之人為之拜喪
有無後無無主又曰君弔於大夫士君退主人送于門
外拜稽顙迎不拜拜送者拜送為君之答已也夫人弔
於大夫士主人出迎于門外夫人入升堂即位主婦降
自西階拜稽顙于下夫人退主婦送于門內拜稽顙主
人送于門外不拜奔喪大夫哭諸侯不敢拜賓

謂大夫
士使列

於國

凡奔喪有大夫至拜之成踊而后襲於士襲而后拜之問喪曰稽顙觸地無容士喪禮既小斂主人拜賓大夫特拜士旅之即位踊賓主人出拜送于門外君弔哭主人哭拜稽顙成踊出賓出主人哭拜送

三年之喪稽顙而後拜所謂喪拜也期以下之喪拜而後稽顙所謂吉拜也蓋拜則致敬於人稽顙則致敬於己拜而後稽顙顙乎其順也以其先致敬故也稽顙而後拜頌乎其至也

考工記鞠欲頌典鄭司農曰頌讀為懇蓋古字頌懇

通用以其先致哀故也孔子之時禮廢滋久天下不知

後稽顙之為重而或以輕為重是猶不知拜下之為
禮拜上之為泰而或以泰為禮故孔子教拜之弊則
曰吾從其至者救泰之弊則曰吾從下凡欲禮之明
於天下而已喪之稽顙猶稽首也禮非至尊不稽首
則喪非至重不稽顙矣然有非至重而稽顙者非以
其至親則以弔者之尊也故謂妻稽顙以至親也夫
夫弔之雖總必稽首以弔者之尊也婦人移天於夫

而傳重於長子故雖父母不稽顙所稽顙者為夫與
長子而已以所受於此者重則所報於彼者殺也然
士喪禮於三年之喪拜稽顙喪大記雜記皆言拜稽
顙此謂拜必稽顙非拜而後稽顙也晉獻公之喪秦
穆公弔公子重耳重耳稽顙而不拜穆公曰稽顙而
不拜未為後也故不成拜國語曰重耳拜而不稽顙
誤矣


禮書卷八十七

欽定四庫全書


禮書卷八十八

宋 陳祥道 撰

禮書圖
圜丘



方丘



天帝之辨上

周禮太宰祀五帝則掌百官之誓戒祀大神示亦如之

五帝謂天神示謂天地

掌次王大旅上帝則張氈案設皇邸

上帝旅

祭天於圓丘國有大故而祭亦曰旅此以旅見祀也正義云下經言祀五帝則知此是昊天上帝與司服及宗伯昊天上帝一也朝日祀五帝則張次小次司裘掌為大裘

以共王祀天之服大司徒祀五帝奉牛牲羞其肆充人掌祭祀之牲牷祀五帝則繫于牢芻之三月大宗伯以禋祀祀昊天上帝以蒼璧禮天牲幣各放其跪之色

此禮

天以冬至謂天皇凡祀大神享大鬼祭大示帥執事而
太帝在北極者也

卜曰宿眡滌濯泣玉鬯省牲饌奉玉盥若王不與祭祀

攝位國有大故則旅上帝及四望小宗伯兆五帝於四

郊大裁執事禱祠于上下神示肆師類造上帝封于大

神壇類禮依郊祀而為之封謂壇也大神社及方岳也典瑞四圭有邸以祀天旅

上帝祀天夏正郊天也上帝五帝所郊亦猶五帝殊言天者尊異之也司服祀昊天上帝

帝則服大裘而冕祀五帝亦如之大司樂乃奏黃鍾歌

大呂舞雲門以祀天神天神謂五帝及日月星辰也王

之帝於南郊

凡樂園鍾為宮黃鍾為角大簇為徵姑洗為羽

若樂六變則天神皆降可得而禮矣

天神則主北辰祭法曰周人禘嘗而

郊稷此謂祭天

大祝掌六祈一曰類二曰造辨六號一

曰神號

神號若皇天上帝正義曰皇天北辰曜魄寶上帝大微五帝

大師類上帝凡

以神仕者掌三辰之法以猶鬼神示之居辨其名物以

冬日至致天神人鬼

致人鬼於祖廟蓋用祭天地之明日

大司寇若禋祀

五帝則戒之日泣誓百官小司寇凡禋祀五帝實鑊水

納亨亦如之士師祀五帝則沃尸及王盥泊鑊水職金

旅于上帝則共金版玉人四圭尺有二寸以祀天禮記
曰大雩帝又曰以共皇天上帝之祠又曰因吉土以饗
帝于郊祭帝于郊所以定天位郊社所以事上帝天子
親耕粢盛秬鬯以事上帝聖人為能饗帝帝牛必在滌
三月易曰王用享于帝吉先王以作樂崇德殷薦之上
帝聖人亨以享上帝帝出乎震詩曰昭事上帝帝謂文
王上帝臨女有皇上帝皇皇后帝昊天上帝書曰伊尹
格于皇天伊陟格于上帝肆類于上帝以昭受上帝天

其申命用休敢昭告于上天神后鯀陞洪水帝乃震怒
不畀洪範九疇天乃錫禹洪範九疇惟天不畀九罔固
亂惟帝不畀惟我下民秉為

周禮有言祀天有言祀昊天上帝有言上帝有言五
帝者言天則百神皆預言昊天上帝則統乎天者言
五帝則無預乎昊天上帝言上帝則五帝兼存焉周
官司裘掌為大裘以共王祀天之服典瑞四圭有邸
以祀天大司樂若樂六變天神皆降凡以神仕者以

冬日至致天神此總天之百神言之也大宗伯以禋
祀祀昊天上帝司服大裘而冕以祀昊天上帝此指
統乎天者言之也司服言祀昊天上帝祀五帝亦如
之則五帝異乎昊天上帝也大宰祀五帝掌百官之
誓戒祀大神示亦如之則五帝異乎大神也肆師類
造上帝封于大神則上帝又異乎大神也掌次大旅
上帝張氈案設皇邸祀五帝張大次小次則上帝異
乎五帝也典瑞四圭有邸以祀天旅上帝則上帝異

乎天也上帝之文既不主於天與昊天上帝又不主於五帝而典瑞旅上帝對旅四望言之旅者會而祭之之名則上帝非一帝也上帝非一帝而周禮所稱帝者昊天上帝與五帝而已則上帝為昊天上帝及五帝明矣孝經曰郊祀后稷以配天宗祀文王於明堂以配上帝則明堂之祀上帝其為昊天上帝及五帝可知也易曰先王以作樂崇德殷薦之上帝以配祖考以配祖者天也以配考者兼五帝也合天與五

帝而謂之上帝則易孝經之於周禮其義一矣周禮明其祀之大小輕重故天帝之辨如此詩書之文未嘗有稱五帝而書亦未嘗有稱昊天上帝者其稱天及上帝類皆泛言之而已此固不可援之以議周禮也且周人明堂之制有金木水火土之五室自漢以來皆於五室以祭五帝惟晉泰始及唐顯慶中嘗議除之後亦遂復則明堂之祀五帝其來遠矣鄭康成以上帝為五帝而不及天王肅以上帝為昊天上帝

而不及五帝二者之說皆與禮經不合不足信也昊
天上帝之名歷代不同漢初曰上帝曰太一元始間
曰皇天上帝魏初元間曰皇皇天帝梁曰天皇大帝
惟西晉後齊後周隋唐乃曰昊天上帝而鄭氏以星
經推之謂昊天上帝即天皇大帝名雖不同其實一
也今之南郊既以昊天上帝位乎其上也壇第一等
又有皇天大帝是離而兩之也宜講求以正之

天帝之辨下

五帝與昊天同稱帝不與昊天同稱天猶諸侯與天子同稱君不與天子同稱王周官祀五帝之禮有與天同以極其隆有與天異以致其辨故皆禋祀皆服大裘此其所同也祀帝於圜丘兆五帝於四郊此其所異也鄭氏之徒謂四圭之玉黃鍾大呂之樂夏至以祀感帝於南郊蒼璧之玉六變之樂冬至禮天皇大帝在北極者於圜丘大皇大曜魄寶也五帝太微之帝也

晉書天文志中宮鉤陳口中一星曰天皇天帝其神曜魄寶史記天官書太微三光

之庭其內五分
星五帝坐

分郊與丘以異其祀別四帝與感帝以

異其禮王肅嘗攻之矣然肅合郊丘而一之則是以

五帝為人帝則非夫有天地則有五方有五方則有

五帝月令之五人帝伏羲神農黃帝少昊顓頊而已

春大皞夏炎帝中央黃帝秋少皞冬顓頊魏相曰太
昊乘震執規司春炎帝乘離執衡司夏少皞乘兌執

矩司秋顓頊乘坎執權司冬黃帝乘坤艮執繩司下
土素問謂春陽氣柔而中矩秋陰升陽氣降有高下

而中衡冬陽氣居下而中權然則魏相言五帝之所
司則是言五帝之所執以夏為衡以秋為矩則誤矣

果以是為五帝則前此其無司四時者乎古者祀五

帝必配以五人帝從以五人臣月令之五人臣春勾

芒夏祝融中央后土秋蓐收冬玄冥

春秋傳曰少皞氏有四叔曰重

曰該曰修曰熙重為司芒該為蓐收修及熙為玄冥顯氏有子曰黎為祝融共工氏有子曰句龍為后土

然則天皞少皞以春秋之氣言之也炎帝以火土之性色言之也萬物之象勾芒於春而其氣祝融於夏其榮也以秋而蓐其發也以秋而收色以冬而玄體以冬而冥后土居中中央以君之此五人帝五人臣命名之不
同也
春夏秋中央之臣皆一人耳而冬有修與熙

者蓋冬於方為朔於卦為艮於腎有左右於器有權衡於物有龜蛇於色有青黑則官有修熙宜矣司馬

遷不紀少皞以黃帝顓頊高辛唐虞為五帝孔安國
以少昊顓氏高辛唐虞為五帝其說與四時五行之
理不合當以月令為正

園丘

方丘

詩序曰郊祀天地記曰因吉土以饗帝于郊兆於南郊
就陽位也於郊故謂之郊又曰為高必因丘陵為下必
因川澤至敬不壇掃地而祭燔柴於泰壇祭天也瘞埋

於泰折祭地也周禮郊祀二人送逆尸凡樂園鍾為宮
冬日至於地上之圜丘奏之若樂六變則天神皆降凡
樂函鍾為宮夏日至於澤中之方丘奏之若樂八變則
地示皆出爾雅曰邑外謂之郊又曰非人為謂之丘

祀天於南郊而地上之圜丘者南郊之丘也丘圜而
高所以象天此所謂為高必因丘陵也祭地於北郊
而澤中之方丘者北郊之丘也丘方而下所以象地
此所謂為下必因川澤也泰壇南郊之壇也以之燔

柴泰折北郊之坎也以之瘞埋言壇則知泰折之為
坎言折則知泰壇之為圓言泰則大之至也言壇折
則人為之也祭祀必於自然之丘所以致敬燔瘞必
於人為之壇折所以盡文宗廟之禮瘞埋於兩階之
間則壇必設於圓丘之南坎必設於方丘之北矣燔
柴以升煙瘞埋以達氣則燔必於樂六變之前瘞必
於樂八變之前矣先王燔瘞於郊丘其牲角繭栗其
牲體全脊

國語曰郊禘之事有全脊

其羹其器犧尊疏布冪禪杓

豆登鼎俎簠簋匏爵之類

詩曰于豆于登記曰器用陶匏大宗伯凡祀大神祭

大示涖玉鬯省牲饋奉玉盞記又曰以其上帝之粢盛國語曰天子親春郊神之盛則郊有簠簋可知也

其藉蒲越藁秸

記曰莞簟之安藁秸之尚

其樂歌黃鍾大簇奏大

呂應鍾其舞雲門咸池其鼓鼙鼓靈鼓其車玉路素

車其旗太常其服大裘袞冕其搢執則大圭鎮圭其

位則神南面王北面示北面王南面而日月從祀則

日居東月居西

記言祭社之禮君南鄉於北牖下答陰之義惟此則圜丘之上王北鄉可

知也說又曰大明生於東月生於西郊主日而配月則日月之位固東西設矣郊主日猶王燕則主膳夫

王嫁女則主諸侯古法見君則主侍人皆致嚴於尊而郊禮於卑也其禮不過因其自然以報本反始教民嚴上而已

古者郊祀大略如此而已更秦則興廊密上

下之四時以祠五帝至漢則增之以北時以祠五帝

秦之祠天不於圓丘謂天好陰而兆於高山之下其

祠地不於方丘謂地貴陽而兆於澤中之圓丘漢之

祠天不於南郊而於甘泉其祠地不於北郊而於汾

陰河東以至壇有八觚

後世壇有八陛祀天其上奏樂其下非先王掃地而祭之

意席有六采樂有玉女車有鸞路駢駒龍馬一切侈

靡而匡衡劉向之徒邪正異同之論蠶起一時元始
之間繆戾尤甚春則天地同牢於南郊冬夏則天地
分祭於南郊光武兆南郊於雒陽之陽兆北郊於雒
陽之陰其禮儀度數一遵元始之制而先王之禮隳
廢殆盡良可悼也

欽定四庫全書

卷八十八

禮書卷八十八

欽定四庫全書

禮書卷八十九

宋 陳祥道 撰

禮書圖
祀明堂



祀明堂

我將詩序曰祀文王於明堂孝經曰孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝月令季秋上丁命樂正入學習吹為時饗帝是月也大饗帝徧祭五帝曲禮曰大饗不

問卜

祭五帝於明堂莫通卜也郊特牲曰郊血大饗牲

樂記祀乎明堂而民知

孝

先王之於天尊而遠之故祀於郊而配以祖親而近

之故祀於明堂而配以父考經曰考莫大於配天又
曰郊祀后稷以配天宗祀文王於明堂以配上帝嚴
父配天矣又曰配上帝者天則昊天上帝也上帝則
五帝與之也明堂不祀昊天上帝不可謂配天五帝
不與不可謂配上帝以上帝為昊天上帝耶而周禮
以旅上帝對旅四望言之則上帝非一帝也以明堂
特祀昊天上帝耶而考工記明堂有五室則五室非
一位也祭法曰周人禘嚳而郊稷祖文王而宗武王

鄭氏曰禘郊祖宗謂祭祀以配食也其說以為坐五帝於堂上以五人帝及文王配之坐五神於庭中以武王配之然古者祖有功而宗有德謂祖宗其廟耳

非謂配於明堂也

王肅曰審如鄭說則經當言祖祀文王不言宗祀也凡言宗者尊也

周人既祖其廟又祀其宗

月令之五人帝五人神所以配食四郊

也其與享明堂於經無見又況降五神於庭中降武王以配之豈嚴父之意哉然宗祀文王則成王矣成王不祀武王而祀文王者蓋於是時成王未畢喪武

王未立廟故宗祀文王而已此所以言周公其人也
詩序曰豐年秋冬報則秋報者季秋之於明堂也冬
報者冬至之於郊也先明堂而後郊者禮由內以及
外也先嚴父而後祖者禮由親以及尊也明堂之祀
於郊為文於廟為質故郊掃地藁秸而已明堂則有
堂有筵郊特牲而已明堂則維羊維牛然郊有燔燎
而明堂固有升煙漢武帝明堂禮畢燎於堂下古之
遺制也由漢及唐或祠太一五帝

光武或特祠五帝

光武

明或除五帝之坐同稱昊天上帝晉武帝時議除明堂五帝之坐同稱

昊天上帝各設一坐而已後又復五帝位或合祭天地唐武后合祭天地於明堂中宗仍之

或配以祖或配以羣祖漢武帝祠明堂高皇帝對之章帝祠明堂以光武配後又

以高祖太宗世宗中宗世祖顯祖配各一大牢其服也或以袞冕東晉或以

大裘梁禮其獻也或以一獻或以三獻梁朱昇曰祀明堂改服大裘又

以貴質不應三獻請停三獻止於一獻隋於雩壇行三獻禮抑又明堂之制變易

不常與考工之說不同皆一時之制然也

祀大神示地示土示之辨

詩序曰郊祀天地大宰祀五帝則掌百官之誓戒祀大

神示亦如之大宗伯以黃琮禮地

注禮地以夏至謂神在崑崙者

牲幣

各放其器之色凡祀大神享大鬼祭大示帥執事而卜

曰小宗伯大哉及執事禱祠于上下神示典瑞兩圭有

邸以祀地大司樂以六律六同五聲八音六舞大合樂

以致鬼神示乃奏大簇歌應鍾舞咸池以祭地示

北郊神州

之神及社稷

凡六樂五變而致介物及土示

原陽平

凡樂函

鍾為宮若樂八變則地示皆出可得而禮矣

地示主大

崑崙

祝辨六號二曰示號

若云后土地示

凡以神仕者以夏日至致

地示物鬼玉人兩圭有邸以祀地旅四望孔穎達曰黃琮禮崑崙之示以夏至兩圭祀神州之示宜以七月河圖推象云崑崙東南萬五千里神州孝經緯云祭地示於北郊

周禮或言大示或言地示或言土示蓋大示則地之大者地示則凡地之示與焉土示則五土之示而已禮記言兆於南郊就陽位也南郊祀天則北郊祀地

矣祀天就陽位則祭地就陰位矣大宗伯以黃琮禮地牲幣各放其器之色而牧人陰祀用黝牲則牲有不同也典瑞兩圭有邸以祀地則圭有不同也大司樂奏太簇歌應鍾以祀地示凡樂函鍾為宮若樂八變地示皆出則樂有不同也蓋先王之於神示求之然後禮禮之然後祀函鍾為宮求之之樂也太簇應鍾祀之之樂也若夫玉之黃琮兩圭牲幣之黃黑蓋祭有不一而牲幣器亦從而異也鄭氏之徒謂夏至

於方丘之上祭崑崙之示七月於泰折之壇祭神州
之示此惑於讖緯之說不可考也凡以神示者以冬日
至致天神人鬼以夏日至致地示物鬼致天神而入
鬼與之者荀卿所謂郊則并百王於上天而祭之是
也郊天合百王則郊地合物鬼宜矣鄭氏謂致人鬼
於祖廟致物鬼於壇墠蓋用祭天地之明日於經無
據

社后土之辨

書曰敢昭告于皇天后土

孔曰后土社也

周禮大宗伯王大封

則先告后土

后土土神也黎所食者

大祝建邦國先告后土用牲

幣

后土社神

月令中央其神后土

后土顓氏之子黎兼為土官

左氏曰君

戴皇天而履后土又曰共工氏有子曰勾龍為后土

古者正祭有常數非正祭者無常時故歲祭天者四

詩序曰春夏祈穀于上帝又曰豐年秋冬報則春祈

穀左氏所謂啟蟄而郊是也夏祈穀所謂龍見而雩

是也秋報月令所謂秋季大饗帝是也冬報周禮所

謂冬日至於地上之圜丘是也凡此正祭也旅類造
禱祠之屬非正祭也祭地之禮周禮所謂夏日至於
澤中之方丘正祭也禱祠之屬非正祭也然先王親
地有社存焉禮曰饗帝於郊祀社於國又曰郊所以
明天道社所以神地道又曰郊社所以事上帝又曰
明乎郊社之義或以社對帝或以社對郊則祭社乃
所以親地也大宗伯以血祭祭社稷又曰大封先告
后土大祝大師大會同宜于社又曰建邦國先告后

土則后土非社矣鄭氏釋大宗伯謂后土土神黎所
食者釋月令謂后土黎也釋大祝謂后土社神也既
曰土神又曰社神是兩之也書曰敢昭告于皇天后
土左氏曰君戴皇天而履后土漢武帝祠后土於汾
陰宣帝祠后土於河東而宋梁之時祠地皆謂之后
土則古者亦命地示為后土矣然周禮有大示有地
示有土示又有后土則所謂后土者非地示也

禮書卷八十九

欽定四庫全書


禮書卷九十

宋 陳祥道 撰


雩祀



祭日



祭月



旅祭

掌次王大旅上帝則張毬案設皇邸

大旅上帝祭天於
園丘國有大故而

祭亦曰旅此大宗伯國有大故而旅上帝及四望

故謂
凶裁

旅陳也陳其祭祀以祀焉禮
不如祀之備上帝五帝也

司尊彝大喪存奠彝大旅

亦如之

旅者國有大故而祭也亦
存其真矣則陳之不即撤

典瑞四圭有邸以祀

天旅上帝兩圭有邸以祀地旅四望大祭祀大旅凡賓

客之事共其王罷而奉之眡瞭大喪廡樂器大旅亦如

之

旅非常祭乃
興造其樂器

笙師大喪廡其樂器大旅則陳之龜人

若有祭事則奉龜以往旅亦如之職金旅于上帝則共其金版禮罷一獻之禮不足以大旅大旅具矣不足以饗帝書荆岐既旅蔡蒙旅平九山刊旅論語曰旅於泰山爾雅曰旅陳也

旅非常祭也國有大故然後旅其羣神而祭之則荆岐既旅蔡蒙旅平九山刊旅者以水災耳權此則凡所遭大故皆凶災之類也考之於禮天子所次之位則張虺案設皇邸所奠之圭則四圭有邸所用之版

則金版

職金旅上帝則用金版旅諸侯亦如之

至於司奠爨之存奠爨

笙師之陳樂器眡瞭之廡樂器皆如大喪之禮言奠則非純乎祭也言存則非即徹之也陳樂而不懸廡樂而不鼓則旅非以其凶災耶周官或言大旅或言旅蓋故有大小而旅亦隨異也然大旅之禮不若祀天之為至也故記曰大旅具矣不足以饗帝若夫旅四望山川則所次不以氊案皇邸所用不以金版而所奠之圭則兩圭有邸而已先儒以旅之廡樂器為

明器以皇邸為後版恐不然也其言旅上帝於圜丘其義或然

類祭

書曰類于上帝詩曰是類是禡周禮小宗伯兆五帝於四郊四望四類亦如之

四類日月星辰運行無常以氣類為之兆日於東郊

兆月與風師於西郊兆司中司命於南郊兆雨師於北郊凡天地之大裁類社稷

宗廟則為位

禱祈禮輕類者依其正禮而為之

肆師類造上帝則為

位大祝六祈一曰類二曰造類上帝大會同造于廟

詛祝掌類造之祝號禮記曰天子將出類于上帝造于廟則類者類其神而造之也造者即而祭之也類之所施或於上帝或於日月星辰或於社稷或於宗廟類之所因或以巡狩或以大師或以大裁造則或於上帝或於祖廟凡此皆有所祈也不若大旅之有所告而已故大祝六祈有類告而無旅焉鄭康成以宗伯之四類為日月星辰蓋以四類在四郊四望之下而知之也爾雅以詩之是類是禡為師祭蓋以大

祝大師類上帝而知之也社稷宗廟非大哉則無類
祭上帝非巡狩之所至則無造祭書言至於岱宗柴
詩言巡狩告祭柴望此蓋造上帝之禮也巡狩於其
將出則類上帝於其所至則造上帝大師於其將出
亦類上帝於其所至特禡於所征之地而已昔武王
伐紂既事而退柴於上帝成王營洛位成之後用牲
于郊牛二此蓋類禮也何則書於舜之既受命則類
乎上帝於湯之既受命則告于上天是既事則必祭

而祭必以類禮也於舜之既受命言類則湯之既受命而類可知既受命而類則師之既事邑之既成又可知也類造之禮其詳不可得而知要之劣於正祭與旅也觀祀天旅上帝而大宗伯掌之類造上帝小宗伯肆師掌之則禮之隆殺著矣四類日月星辰於四郊則類上帝蓋南郊乎

雩祀

周禮舞師掌教皇舞帥而舞旱暵之事

旱暵之事謂雩也暵熱氣也鄭

司農曰皇舞蒙羽舞玄謂
皇折五采羽為之亦如帔
司巫掌羣巫之政令若國大

旱則帥而舞雩

雩旱祭也天子於上帝諸侯於上公之
神鄭司農云魯僖公欲焚巫庭以其舞

雩而不
得雨

女巫旱暵則舞雩

使女巫舞旱祭崇陰也鄭司
農云求雨以女巫故檀弓曰

歲旱糴公召縣子而問焉曰吾欲暴巫而奚
若曰天則不雨而望之愚婦人無乃已疏乎
凡邦之大

裁歌哭而請

有歌者有哭者以
異悲哀感神靈也

大司徒以荒政十有二

聚萬民十有一曰索鬼神

雲漢之詩所謂靡神
不舉靡愛斯牲也

黨正春

秋祭崇

崇謂雩崇水旱之神蓋
亦為壇位如祭社稷云

稻人旱暵共其雩斂

稻急

水者
也

大祝國有大故天裁彌祀社稷禱祠

大故兵寇也
天災疫癘水

也早小祝掌小祭祀逆時雨寧風旱禮記檀弓歲旱穆公

召縣子而問焉天久不雨吾欲暴庭而奚若曰天則不
雨而暴人之疾子虐母乃不可與然則吾欲暴巫而奚
若曰天則不雨望之愚婦人於以求之母乃已疏乎徙
市則奚若曰為之徙市不亦可乎徙市者庶人之喪禮
今徙市是憂戚於旱若喪月令仲夏命樂師修鞀鞀鼓
均琴瑟管簫執干戚戈羽調竽笙箛簧飭鍾磬柷敔

將為

大雩帝命有司為民祈祀山川百源大雩帝用盛樂乃

習樂也

命百縣雩祀百辟卿士有益於民者以祈穀實

陽氣盛而常旱

山川百源能興雲雨者也衆水始所出為百源必先祭其本乃雩雩吁嗟以求雨之祭也雩帝謂為壇南郊之旁雩五精之帝配以先帝也自鞮鞢至抗敵皆作故曰盛樂凡他雩用歌舞而已百辟卿士古者上公若勾龍后稷之類也春秋傳曰龍見而雩雩之正當以四月凡周之秋三月之中而旱亦修雩禮以求雨因著正雩此月失之矣天子雩上帝諸侯以下雩王公周冬及春夏雖旱禮有禱無雩正義曰雩音近吁又女巫凡邦之大灾歌哭而請旱又是大哉故須吁嗟求雨注春秋者以雩為遠非鄭義也云雩帝謂為壇南郊之旁雩五精之帝者以雩是祭天當以陽位以五天總祭不可偏在四方故知在南郊也以自外主者無主不止當以人帝配之大皞配靈威仰炎帝配赤熛怒黃帝配含樞紐少皞配白招拒顓帝配叶光紀故云配以先帝也

祭法

雩崇祭水旱也詩噫嘻春夏祈穀于上帝

祈猶禱也月令孟春祈穀

于上帝夏則龍見而雩桓五年左傳文郊特牲郊之祭也大報天而主曰書傳云祀上帝於南郊所以報天德

然則郊所以報天而云祈穀者以人非神之德不生為郊祀以報其已往又祈其將來故祈報兩言也襄七年

左傳曰郊祀后稷以祝農事故啟蟄而郊郊而後耕是郊為祈報之事也案禮記大傳注云王者之先祖皆感

大微五帝之精以生蒼則靈威仰皆用正歲之正月郊祭之然則夏正郊天祭所感一帝而已月令注云雩祀

五精之帝則雩祭五帝矣郊雩所祭其神不同此序并云祈穀于上帝者以其所郊之帝亦五帝之一同有五

帝之名故一名上帝可以兼之也月令孟春祈穀于上帝注云上帝大微五帝者亦謂祈穀所祭是大微之一

不言祈穀論語曰浴乎沂風乎舞雩詠而歸荀子曰雩

而雨何也曰無何也猶不雩而雨也日月食而救之天旱而雩小筮而後決大事非以為得求也以文之也故君子以為文而百姓以為神以為文則急以為神則凶又曰湯旱而禱曰政不節與使民疾與何以不雨至斯極也宮室崇與婦謁盛與何以不雨至斯極也苞苴行與讒夫興與何以不雨至斯極也

桓五年秋大雩

僖十一年秋大雩

十三年秋九月大雩

成三年秋大雩

七年冬大雩

襄五年秋大雩

八年九月大雩

十六年秋大雩

十七年九月大雩

二十八年秋八月大雩

昭三年八月大雩

六年秋九月大雩

八年九月大雩

十六年秋八月大雩

二十五年七月上辛大雩

季辛又雩

定元年九月大雩

七年秋大雩

十二年秋大雩

九月大雩

桓五年左傳曰凡啟蟄而郊龍見而雩

龍見建巳之月

過則書

莊十年傳曰魯公子偃伐宋師出自雩門

魯城南門

公羊曰

大雩者何旱祭也

雩旱請雨祭名不解大者言大雩大旱可知也君親之南郊以六事謝過

責自然則何以不言旱言雩則旱見言旱則雩不見何以

書記災也趙子曰凡祈澤曰雩稱大國徧雩也勤民之

祀也故志之爾雅曰雩號祭也

爾雅曰雩號祭也鄭氏曰雩吁嗟求雨之祭也女巫

凡邦之大哉歌哭而請則爾雅鄭氏之說是也杜預

以雩為遠誤矣春秋書雩二十有一皆在七月以後
左氏曰龍見而雩過則書蓋龍見建巳之月而建巳
乃陽亢之時陰氣所以難達也故雩祀作焉過此而
後雩此春秋所以譏也大雩禮之盛也猶所謂大旅
大饗趙氏謂雩稱大國徧雩誤矣詩序曰夏祈穀於
上帝月令曰大雩帝則雩祀昊天上帝及五帝也鄭
氏謂雩祀五精之帝然周禮稱上帝與五帝不同則
上帝非止五帝也月令曰命百縣雩祀百辟卿士則

百辟卿士之祭亦曰雩也鄭氏曰天子雩上帝諸侯雩上公然周禮小祝小祭祀逆時雨寧風旱則百辟亦天子所祀也祭法有雩禋之壇春秋之時魯以南門為雩門先儒皆以魯之舞雩在城南鄭氏曰雩為壇於南郊之旁其說蓋有所受也古者雩斂在稻人雩樂以皇舞以女巫皇與女陰也則舞所以達陽中之陰而已董仲舒祈雨之術閉南門縱北門蓋亦古者達陰之意也然則雩祀上帝必升煙後世乃謂用

火不可以祈水而為坎以瘞就陽不可以求陰而移

壇於東

禮梁

霄必自郊祖宮後世或祈山林川澤羣廟

百辟卿士然後及於上帝

亦梁禮也北齊及唐皆然

霄樂以舞為

盛後世或選苦謳者歌詩而已皆非古也

北齊禮

祭日

祭月

周禮大宗伯實柴以祀日月星辰典瑞王摺大圭執鎮

圭繅藉五采五就以朝日

王朝日者示有所尊也訓民事君也天子常春分朝日秋分夕

月又曰圭璧以祀日月星辰

圭其邸為璧取殺於上帝小宗伯兆五

帝於四郊四望四類亦如之

先為壇之營城四類日月星辰兆日於東郊兆月於

西郊掌次朝日祀五帝則張大次小次設重幣重案鼓入

以雷鼓鼓天神大司樂乃奏黃鍾歌大呂舞雲門以祀

天神

天神謂五帝及日月星辰

又曰凡樂六變而致天神月令孟冬

祈來年于天宗

天宗日月星辰之類

郊特牲曰郊之祭也大報天

而主日配以月玉藻曰玄端而朝日於東門之外祭義

曰祭日於東祭月於西祭法曰王宮祭日夜明祭月

王宮

日壇王君也日稱君宮壇營域也夜明月壇也

左傳曰日月星辰雪霜風雨之

不時於是乎崇之國語曰大采朝日少采夕月

大采纁席五采

五就

古者之祀日月其禮有六郊特牲曰郊之祭大報天而主日配以月一也玉藻曰朝日於東門之外祭義曰祭日於東祭月於西二也大宗伯四類於四郊兆日於東郊兆月於西郊三也大司樂樂六變而致天神月令孟冬祈來年于天宗天宗者日月之類四也

觀禮拜日於東門之外反祀方明禮日於南門之外
禮月於北門之外五也雪霜風雨之不時於是乎禳
之六也夫四郊蜡而祀之非正祀也類禳而祀之與
觀諸侯而禮之非常祀也春分朝之於東門之外秋
分夕之於西門之外此祀之正與常者也日言朝則
於日出之朝朝之也月言夕則於月出之夕夕之也
日壇謂之王宮以其有君道故也月壇謂之夜明以
其昱於夜故也其次則大次小次設重帟重案其牲

體則實柴其服則玄冕玄端其圭之繅藉則大采少
采禮之之玉則一圭卽璧祀之之樂則奏黃鍾歌大
呂舞雲門玉藻十有二旒龍衮以祭玄端以朝日於
東門之外則龍衮玄端皆言其衣也衣玄冕之衣則
用玄冕矣鄭氏改玄端為玄冕不必然也虞氏釋國
語謂朝日以玄冕然祀上帝以衮冕而朝日以圭璧
與張次設帟一切殺於上帝則其不用衮冕可知矣
周禮於掌次之次帟案於典瑞之大圭鎮圭繅藉言

朝日而已則夕月之禮又殺乎此也漢武帝因郊秦
時朝出行宮東向揖日其夕西向揖月則失東西郊
之禮也魏文帝正月祀日於東門之外則失春分之
禮也齊何佟之曰王者兄日姊月馬鄭用二分廬植
用立春佟之以為日者太陽之精月者太陰之精春
分陽氣方永秋分陰氣向長天地至尊故用其始而
祭以二至日月次天地故祭以二分則融與康成得
義矣魏薛靖曰朝日宜用仲春之朔夕月宜用仲春

之肫此尤無據也後周於東門外為壇以朝日燔燎
如園丘於西門外為壇於坎中方四丈深四尺以夕
月燔燎如朝日隋唐壇坎之制廣狹雖與後周差異
大槩因之而已



禮書卷九十

欽定四庫全書

經部

禮書卷

九十一至
一百一

詳校官尚書臣德保

給事中臣溫常綬覆勘

總校官檢討臣何思鈞

校對官中書臣陸湘

謄錄監生臣蔣肇源


繪圖監生臣徐溥

欽定四庫全書


禮書卷九十一

宋 陳祥道 撰

禮書圖
表貉



四望



表貉

詩曰是類是禡爾雅曰類禡師祭也禮記禡於所征之地公羊曰甲午祠兵小宗伯凡王之會同軍旅甸役之禱祠肆儀為位肆師凡四時之大田獵祭表貉則為位

貉讀為十百之百於所立表之處為師祭造軍法者禱氣勢之增倍也其師蓋蚩尤或曰

黃帝甸祝掌四時之田表貉之祝號大司馬中春教振

旅有司表貉誓民鼓遂圍禁中冬教大閱既陳乃設驅逆之車有司表貉于陳前漢書稱高祖祠黃帝蚩

尤於沛庭先儒或以蚩尤為天子或以為庶人其詳不可以考然管仲稱蚩尤作劒戟史記稱黃帝與蚩尤戰於版泉蓋軍法之興始於此也故後世祭之周官言貉詩與禮記爾雅言禡其實一也貉之祭蓋使有司為之而立表於陳前肆師為位甸祝掌祝號既事然後誓衆而師田焉周官所謂表禡誓民是也古者將射則祭侯將卜則祭先卜將用火則祭燿將用馬則祭馬祖然則將師田而貉祭者不特為禱而已

也唐制禡祭為壇壝設瘞埽皇帝齋於行宮從官齋於軍幕置甲冑弓矢於神座之側建稍於神座之後而牲幣犧象皆有儀度然古人祭於立表之處則無壇壝其置甲冑弓矢於神座之側建稍於神座之後理或有之司几筵甸役則設熊席右漆几鄭氏以為祭路之禮誤也

四望

書曰望于山川至于岱宗柴望秩于山川又曰柴望大

告武成詩曰時邁巡狩告祭柴望禮記曰至于岱宗柴而望祀山川周禮小宗伯祀五帝于四郊四望四類亦如之大宗伯國有大故則旅上帝及四望典瑞兩圭有邸以祀地旅四望璋邸射以祀山川司服毳冕以祀四望山川大司樂奏姑洗歌南呂舞大磬以祀四望奏蕤賓歌函鍾舞大夏以祭山川男巫掌望祀望衍旁招以茅牧人望祀各以其方之色牲毛之大祝國將有祀于四望則前祝春秋魯僖公免牲猶三望左氏曰望郊之

細也宣公不郊而望左氏曰望郊之屬也公羊曰天子有方望之事無所不通三望者何泰山河海也楚昭王

曰三代命祀祭不越望

哀公六年

江漢睢漳楚之望也禍福

之至不過是也寡人雖不敏河非所獲罪也韓宣子謂

子產曰寡君寢疾並走羣望

昭七年

周共王有寵子五人

無適立焉乃有大事于羣望

昭七年

晉語成王盟諸侯于

岐陽楚為荆蠻置茆絕設望表與鮮卑守燎三正記郊

後必有望

天子四望達於四方魯三望泰山河海而已書曰海岱及淮為徐州諸侯之望皆其境內之名山大川也望雖以名山大川為主而其實兼上下之神故詩於柴望言懷柔百神及河喬嶽周禮於望皆言祀而不言祭又典瑞四望與山川異玉大司樂四望與山川異樂左氏曰望郊之細也又曰望郊之屬也公羊曰方望之事無所不通則望兼上下之神可知矣鄭司農釋大宗伯曰四望日月星海杜預釋左傳曰望祀

分野之星及封內山川許慎曰四望日月星辰河海
大山其說蓋有所受之也鄭康成釋大宗伯曰四望
五嶽四瀆釋大司樂又兼之以司中司命風師雨師
釋舞師又以四望為四方其言異同不可考也望之
禮有二而其用不一男巫掌望祀望銜鄭氏讀銜為
延謂望祀有牲與粢盛望銜用幣致神而已然鄭氏
於大祝銜祭亦以為延祭禮文殘缺不可考也望祀
或設於郊天之後或設於巡狩之方或旅於大故之

時則望有常有不常之祀也崔靈恩謂四望之祭歲各有四不知何據然也望祀其兆四郊其牲各放其方之色其樂姑洗南呂大磬其玉兩圭有邸其服毳冕其位節以辨之而植表於其中周禮所謂旁招以節晉語所謂置節節設表望是也白虎通謂周公祭泰山以召公為尸其言雖無經見要之宗廟之尸用同姓非宗廟之尸用異姓

祭四方

周禮大司馬春祭社秋祀祊舞師教帔舞帥而舞社
稷之祭祀教羽舞帥而舞四方之祭祀詩曰以我犧
羊以社以方又曰方社不暮古者言社必及方則社
為民祈方為民報祈在春報在秋詩言來方禋祀明
堂位言春社秋省則秋省斂而因祀焉此所謂來方
禋祀也鄭康成釋曲禮謂四方五官之神

東勾芒南
祝融與黎

西蓐收
北玄冥

釋舞師謂四方四望也康成從先鄭之說釋

大宗伯謂四方百物八蜡也然壘人四方在山川之

下大司樂四望在山川之上則四方非四望也舞師
教羽舞帥而舞四方之祭祀鼓人凡祭祀百物之神
鼓兵帔舞者則四方非百物也五官之說亦不可考
大司馬於社言祭則地示也於祔烝言享則人鬼也
於方言祀蓋兼上下之神也祀之之禮其位四郊其
壘蜃尊壘人凡山川
四方用蜃其舞皇舞舞師教羽舞帥而
舞四方之祭祀其
牲體則醕之其牲色則各以其方之色而已詩曰以
我犧羊以社以方周禮小司徒小祭祀共牛牲則四

方之祭不特用羊而已詩言犧羊者孔穎達言犧以
見純明非特羊也穎達之言則是謂犧為純誤矣

禮書卷九十一

欽定四庫全書


禮書卷九十二

宋 陳祥道 撰

禮書圖

社稷
王社大
社附

太社



太
稷

南


色
皆
黃

東


西

北

亭社



亮社



社稷

王社

周禮內宰凡建國佐后立市祭之以陰禮

鄭司農云祭之以陰禮者

市中之社先后所立社也

大司徒設其社稷之壇而樹之田主各以

其野之所宜木遂以名其社與其野

社稷后土及田正之神壇壇與壝埒

田主田神后土田正之所依也詩人謂之田祖所宜木謂若松栢栗也若以松為社者則名松社之野以別方

面

小司徒凡建邦國立其社稷正其畿疆之封

畿九封

入掌設王之社壇為畿封而樹之

壇謂壇及壝埒也畿上有封若今時界矣

不言稷者稷社之細也

凡封國設其社稷之壇封其四疆

封國建諸侯立

其國造都邑之封域者亦如之令社稷之職

將祭之時令諸有職

事於社稷者也郊特牲曰唯為社事單出里唯為社田國人畢作唯為社丘乘共粢盛所以報本反始也鼓

人以靈鼓鼓社祭

社祭祭地示也

州長若以歲時祭州社則屬

其民而讀法舞師掌教帔舞師而舞社稷之祭祀牧人

陰祀用黝牲毛之

陰祀祭地北郊及社稷

媒氏凡男女之陰訟聽

之于勝國之社其附于刑者歸之于士

勝國亡國也亡國之社奪其上

而棧其下使無所通

大宗伯以血祭祭社稷

陰祀自血起貴氣與也社稷土穀之神有

德者配食焉共工氏之子曰句龍食於社有厲山氏之子曰柱食於稷湯遷之而祀棄王大封則

先告后土

后土土神也黎所食者

小宗伯掌建國之神位右社稷

左宗廟凡天地之大裁類社稷宗廟則為位

禱祈禮輕類者依其

正體而為之

若大師則帥有司而立軍社奉主車肆師次祀

用牲幣

玄謂次祀又有社稷

凡師甸用牲于社宗則為位

社軍社也宗遷

主封于大神

社及方

凡師不功則助牽主車社之日泣

卜來歲之稼

社祭土取財焉

壘人凡祭祀社壝用大罍司服祭

社稷五祀則希冕大司樂乃奏太簇歌應鍾舞咸池以

祭地示

地示所祭於北郊謂神州之神及社稷

大祝國有大故天灾彌祀

社稷禱祠大師宜于社設軍社

鄭司農曰設軍社以春秋傳曰所謂軍以師行

被社釁鼓祝及軍歸獻于社則前祝大會同宜于社建

奉以從者也

邦國先告后土用牲幣

后土社神也

大社有寇戎之事則保

郊祀于社

鄭司農云謂保守郊祭諸祀及社無令寇侵犯之

喪祀掌勝國邑之

社稷之祝號以祭祀禱祠焉

勝國邑所誅討者社稷者若亳社是矣存之者重神

也蓋奄其上而戕其下為北牖

大司馬中春教振旅以祭社

祭社者土方施生也

若師有功則左執律右秉鉞以先愷樂獻于社

兵樂曰愷獻于

社獻功于社也

若師不功則厭而奉主車

奉猶送也送主歸于廟與社

量人

營車之壘舍量其市朝州涂軍社之所里

軍社主在軍者里居也

小子掌珥于社稷

珥社稷以牲頭祭珥者繫禮之事也用羽牲曰珥珥社稷謂始成其宮兆

也

大司寇大軍旅泣戮于社

社謂社主在軍者也鄭司農云書曰用命賞于祖不

用命戮于社

士師若祭勝國之社稷則為之尸匠人營國左

祖右社曲禮曰國君去其國曰奈何去社稷也又曰國

君死社稷又曰問國君之年長則曰能從宗廟社稷之

事矣幼則曰未能從宗廟社稷之事也王制諸侯祭社

稷月令仲春擇元日命民社

社后土也使民祀焉神其農業也祀社日用甲季

冬命太史次諸侯之列賦之犧牲以共皇天上帝社稷

寢廟之祀魯子問曰諸侯適天子命祝史告社稷宗廟

山川禮運曰命降于社之謂穀地

謂教令田社下者也社土地之主也周禮

以土會之法辨五地之物生

又曰祀社於國所以列地利又曰禮行於

社而百貨可極焉禮記曰社稷山川之事鬼神之祭體

也

天地人之別體也

又曰三獻燭

三獻祭社稷五祀

郊特牲曰郊特牲

而社稷太牢又曰社稷土而主陰氣也君南嚮於北牖

下咎陰之義也

牆謂之墉社內北牆

日用甲用日之始也天子

大社必受霜露風雨以達天地之氣也

大社王為羣姓所立

是故

喪國之社屋之不受天陽也薄社北牖使陰明也

絕其陽通

其陰而已亳社殷社殷始都亳

社所以神地之道地載萬物天垂象取

財於地取法於天是以尊天而親地也故教民美報焉

家主中霽國主社示本也

中霽亦土神也

唯為社事單出里唯

為社田國人畢作唯社丘乘共粢盛所以報本反始也

單出里皆往祭社

君親誓社以習軍旅明堂位曰春社秋省大

傳曰牧之野武王之大事既事而退柴於上帝祈於社

祭法曰王為羣姓立社曰大社王自立社曰王社諸侯

為百姓立社曰國社諸侯自為立社曰侯社大夫以下

成羣立社曰置社

羣衆也大夫以下謂下至庶人也大夫不得特立社與民族居百家以上

則共立一社今時里社是也

郊特牲曰唯為社事單出里厲山氏之有天下也其子

曰農能殖百穀夏之衰也周棄繼之故祀以為稷共工

氏之霸九州也其子曰后土能平九州故祀以為社祭

義建國之神位右社稷左宗廟

注云周尚左

中庸郊社之禮

所以事上帝

社祭土地神不言后土省文

天子社稷皆太牢諸侯社稷

皆少牢祭統崇事宗廟社稷則子孫順孝泰誓曰宜于

冢土

祭社日宜冢土社也

泰誓下曰郊社不修甫田曰以我齊明

與我犧羊以社以方

社后神也秋祭社與四方為五

縣詩曰迺立冢土

戎醜攸行

冢土大社也起大事動大衆必先有事乎社而後出謂之宜大社者出大衆將所告而行也

春秋傳曰脗宜社之肉

雲漢曰祈年孔夙方社不暮載芟春藉田

而祈社稷良耜秋報社稷左傳莊公二十五年六月辛

未朔日有食之鼓用牲于社非常也

非常鼓之日

唯正月之

朔慝未作曰有食之於是乎用幣于社伐鼓于朝秋大

水鼓用牲于社于門亦非常也凡天災有幣無牲非日

月之眚不鼓文十五年六月辛丑朔日有食之鼓用牲

于社非禮也

得常鼓之月而於社用牲為非禮

日有食之天子不舉伐

鼓于社諸侯用幣于社

社尊於諸侯故請報而不敢責之

伐鼓于朝退

自責哀七年魯以邾子益來獻于亳社

以其亡國與殷同

論語

哀公問社於宰我宰我對曰夏后氏以松殷人以栢周

人以栗曰使民戰栗孔子曰成事不說遂事不諫既往

不咎孟子曰民為貴社稷次之君為輕諸侯危社稷則變置旱乾水溢則變置社稷荀子曰社祭社稷祭稷正義曰社稷之義先儒所解不同鄭康成之說以社為五土總神稷為原隰之神勾龍有平水土之功配社祀之稷有播種之功配稷祀之鄭必以為此說者案郊特牲云社祭土而主陰氣又云社所以神地之道又禮運云命降于社之謂報地又王制云祭天地社稷為越紼而行事據此諸文故知社即地神稷是社之細別別名曰

稷稷乃原隰所生故以稷為原隰之神若賈逵馬融王肅之徒以社祭勾龍稷祭后稷皆人鬼也非地神故聖證論王肅難鄭云禮運云祀於郊所以定天位祀社於國所以列地利社若是地應云定地位而言列地利故知社非地也為鄭學者馬昭之等通之云天體無形故須云定位地體有形不須云定位故唯云列地利肅又難鄭云祭天牛角繭栗而用特牲祭社牛角尺而用太牢又祭天地大裘而冕祭社稷絺冕又唯天子令庶民

祭社社若是地神庶民豈得祭地乎為鄭學者通之而云以天神至尊而簡質事之故牛角繭栗而用特牲服大裘天地至尊天子至貴天子祭社是地之別體有功於人報其載養之功故用太牢貶降於天故角尺也祭用絺冕取其陰類庶人蒙其社功故亦祭之非是方澤神州之地也肅又難鄭云召誥用牲于郊牛二明后稷配天故知二牲也又云社于新邑牛一羊一豕一明知唯祭勾龍更無配祭之人為鄭學者通之云是后稷與天

尊卑既別不敢同天牲勾龍是上公之神社是地示之
別尊卑不甚懸絕故云配同牲也肅又難鄭云后稷配
天孝經有配天明文后稷不稱天也祭法及昭二十九
年傳曰勾龍能平水土故祀以為社不云祀以配社明
知社即勾龍也為鄭學者通之云后稷非能與天同功
唯尊祖配之故不得稱天勾龍與社同功故得云祀以
為社而得稱社也肅又難云春秋說伐鼓于社責上公
不云責地示明社是上公也又月令云仲春命民社鄭

注云社后土也孝經注云社后土也勾龍為后土鄭既云社后土則勾龍也是鄭自相違反為鄭學者通之云伐鼓責上公者以日食臣侵君之象故以責上公言之勾龍為后土之官其地神亦名后土故左傳曰君戴皇天而履后土地稱后土與勾龍稱后土名同而無異也鄭注云后土者謂地神也非謂勾龍故中庸云郊社之禮注云社祭地神又鼓人云以靈鼓鼓社祭注云社祭祭地示也是社為地示也

社所以祭五土之示稷所以祭五穀之神五穀之神而命之稷以其首種先成而長五穀故也稷非土無以生土非稷無以見生生之效故祭社必及稷以其同功均利而養人故也祭必有配而社配以勾龍共工氏之子稷配以柱厲山氏之子商之時又易柱以棄以其功利足以侔社稷故也周官大司徒辨其邦國都鄙之數設其社稷之壇而樹之田主各以其野之所宜木遂以名其社與其野封人掌設王之社壇為畿封而

樹之凡封國設其社稷之壇祭法王為羣姓立社曰
大社王自為立社曰王社諸侯為百姓立社曰國社
自為立社曰侯社士大夫以下成羣立社曰置社蓋
王社侯社國中之土示而已無預農事故不置稷大
社國社則農之所報在焉故皆有稷先儒謂王社或
建於大社之西或建於藉田然國語王藉則司空除
壇農正陳藉禮而歷代所祭先農而已不聞祭社也
故詩曰春藉田而祈社稷非謂社稷建於藉田也其

言王社建於大社之西於義或然西漢及魏有官社

無官稷晉之時有帝社無帝稷類皆二社一稷

魏博士孔

晁之議者紛然或欲合二社以為一或欲異二社之

所向

齊武帝議帝社南向大社及稷東向

是雖違經悖禮然亦二社同

設於國中未聞藉田有之也

穀梁曰天子親耕故立社為藉而報此說非也

果王社為藉而設必有稷也

蓋王與諸侯之社皆三其二社所以

盡祈報之誠其勝國之社所以示鑒戒之理王之大

社則土五色而冒以黃夏之時徐州厥貢惟土五色

孔安國以社言之是也諸侯之國社則受其方色之
土於天子而苴以茅漢之時有受青土赤土蔡邕以
茅社言之是也其位則中門之右社主陰故也其壇
則北面社嚮陰故也其飾則不屋記所謂大社必受
霜露風雨以達天地之氣是也其表則木傳所謂夏
以松商以栢周以栗是也其方廣則五丈詩外傳其主
則石為之先儒謂石地類也左傳言擁社抱社主也其列則社東而稷西
先儒之說蓋有所受之也先王之祭社稷春有祈秋

有報孟冬大割祠

月令大割祠于公社

春祈而歌載芟秋報而

歌良耜此祭之常者也凡天地大哉之類祭

小宗伯

大

故天哉之彌祀

祝大

君行有宜宮成有岨此祭之不常

者也祭之常者用甲其它則惟吉而已祭之牲以太

牢其遇天哉則用幣而已考之於禮王之祭也南面

其服也絺冕其牲用黝其祭血祭其罇大罍

用大罍而皂人

掌之則有皂裸可知

其樂應鍾其舞帔舞其鼓靈鼓凡皆因其

物以致其義非夫深知禮樂之情者孰與此哉先儒

有以王社有稷壇原隰為稷神有以勾龍為社而非
配社社為稷而非配稷後世又有以夏禹為社配有
以戌亥為社日有以先農為帝社有以太稷為稷社
皆臆論也

祭法曰諸侯為百姓立社曰國社諸侯自為立社曰侯
社王制曰天子社稷皆大牢諸侯社稷皆少牢郊特牲
曰家主中霤國主社示本也魯子問曰諸侯之祭社稷
俎豆既陳白虎通曰天子社廣五丈諸侯半之其色東

方青南方赤西方白北方黑冒以黃土史表曰諸侯王
始封者必受土於天子之社歸立之以為國社以歲時
祠之天子之國有大社故將封於東方取青土封於南
方取赤土封於西方取白土封於北方取黑土封於上
方取黃土裸以白茅封以為社此始受封於天子者也
蔡邕獨斷曰天子大社封諸侯者皆取土苞白茅授之
以立社於其國故謂之授茅土立社漢惟皇子封為王
者得茅土其他功臣以戶數租入為節不受茅土召誥

用牲於社牛一羊一豕一漢制郡縣祭社皆羊豕尚書
無逸篇大社唯松東社唯栢南社唯梓西社唯栗北社
唯槐

諸侯有侯社國社亡國社與天子同其祭用少牢與
天子異先儒謂天子社廣五丈諸侯半之天子社五
色冒以黃而諸侯受土各以其方之色亦冒以黃其
言雖不經見然五者土數黃土色則天子社廣五丈
冒以黃信矣諸侯之禮常半天子

天子六軍諸侯三
軍天子六卿諸侯

二卿天子六宮諸侯三宮天子辟雍諸侯
泮宮天子之馬十二閑諸侯之馬六閑
則社半五

大信矣禹貢徐州貢土五色土五色以為社則大社
五色諸侯受土各以其方之色信矣古者立社皆有
木以表之故大司徒設其社稷之壇而樹之田主各
以其野之所宜木遂以名其社與其野語曰夏后氏
以松殷人以栢周人以栗後世宋有標社豐有粉榆
社先儒謂諸侯社皆立樹又為主以象其神大夫以
下但各以地之所宜木立之於義或然

大夫社

祭法曰大夫以下成群立社曰置社鄭氏曰羣衆也大夫以下謂下至庶人也大夫不得特立社與民族居百家以上則共立一社今時里社是也郊特牲曰唯為社事單出里正義曰皇氏曰天子諸侯祭社則用藉田之穀大夫以下無藉田若祭社則丘乘之民共之示民出力也故曰唯社丘乘共粢盛正義曰天子諸侯大夫皆有稷故鄭注司徒田主田神后土田正之所依也田正

則稷神者也

大夫以下其社之大者則二千五百家為之周禮所

謂州社是也其小則二十五家亦為之左傳所謂書

社千社是也

左傳昭二十五年齊人與衛地自濟以西襁媚否

以南書社五百杜氏
二十五家為一社

鄭氏謂百家以上共立一社若

今時里社此以漢制明古也周禮六鄉之內族祭酺

黨祭禴雖百家以上亦不祭社特州然後祭之者黨

祭族非不祭也姑以別社禴酺之等差耳禮曰唯為

社事單出里唯為社田國人竭作唯社丘乘共粢盛
蓋單出里則家出一人畢作則羨卒盡起丘乘共粢
盛則牢醴亦在所共皇氏曰大夫以下無藉田祭社
則丘乘之民共之其說是也左傳有清丘之社月令
仲春命民社先儒以謂自秦以下民始得立社然禮
言大夫以下則民社不始於秦

大夫以下社

亳社

禮記郊特牲曰天子大社必受霜露風雨以達天地之

氣也是故喪國之社屋之不受天陽也薄社北牖使陰

明也

絕其陽通其陰而已毫社商之社商始都亳正義曰風雨至則萬物生霜露降則萬物成故不為屋

以受霜露風雨

媒氏凡男女之陰訟聽之于勝國之社

勝國亡國也亡

國之社奄其上棧其下使無所通就之以聽陰訟之情明不當宣露其罪

喪祝掌勝國邑之

祝號以祭祀禱祠焉小司寇若祭勝國之社稷則為之

尸

尸以刑官為畧之也

左氏襄三十年左傳曰烏鳴于亳社如曰

譴譴甲午宋大災又曰間于兩社亳社大社也又曰平

子伐莒取鄭獻俘始用人於亳社哀四年書亳社灾七

年魯以邾子益獻于亳社

以其亡國與殷同

公羊曰亳社者何

亡國之社也社者封也其言灾何亡國之社蓋拚其上

而柴其下亳社灾記異也

戒社者先王所以威示教戒諸侯使事上也

穀梁

曰亳亡國也亡國之社以為宗廟屏戒也

立亳之社於廟之外以為

屏蔽取其不得通天人君瞻之而致戒心

其屋亡國之社不得達上也白虎

通曰王者諸侯必有誠社者何示有存亡也明為善者

得之為惡者失之五行志曰亳社灾董仲舒劉向以為

亡國之社所以為戒也韓詩傳曰亡國之社以戒諸侯
人之戒在於桃爰

孔子謂魯哀公曰君出魯之四門以望魯之四郊亡
國之墟必有數焉君以此思懼則懼將焉不至然則
公子諸侯必有勝國之社其意亦若此也記言天子
大社繼之以亡國之社屋之天子之亳社也春秋書
亳社災魯之亳社也左傳曰鳴于亳社宋之亳社也
社必有稷小司寇祭勝國之社稷則為尸是也位必

在左春秋傳所謂間于兩社是也拚上棧下不受天陽設於北牖使陰明焉以其不能生成萬物而趨於幽也男女之訟於此聽者以其當隱蔽而不敢褻也祭之而刑官為尸者以其滅亡刑之類也宗廟之制天子外屏諸侯內屏不容以亡國之社為之穀梁以亡國之社為廟屏此不可考孔穎達曰亡國之社或在廟或在庫門內之東是穎達亦疑穀梁之說

市社

內宰凡建國佐后立市設其次置其叙正其肆陳其
貨賄出其慶量淳制祭之以陰禮鄭司農云祭之以
陰禮者市中之社先後所當立也鄭康成曰陰禮婦
人之祭禮然則祭市之社其禮與凡社異矣

社主

周禮小宗伯若大師則帥有司而立軍社奉主車春
秋傳曰軍行被社纛鼓祝奉以從鄭氏曰社之主蓋
用石為之唐神龍中議立社主韋叔夏等引呂氏春

秋及鄭玄義以為社主用石又後魏天平中太社石
主遷于社宮是社主用石矣又檢舊社主長一尺六
寸方一尺七寸在禮無文按韓詩外傳云天子大社
方五丈諸侯半之蓋以五是土數故壇方五丈其社
主準五數長五尺唯陰之二數方二尺剡其上以象
物生方其下以體地體埋其半以根在土中而本未
均也蓋石地類也先儒謂社主石為之其長不過尺
五寸其短以寸計之唐之時舊主一尺六寸方一尺

六寸蓋有所傳然也而議者謂宜長五尺方二尺埋
其半於土中此臆論也古者天子諸侯有載社之禮
而陳侯嘗擁社以見鄭子展襄二十五年左果埋其半則不
可迎而載果石長五尺方二尺則不可取而擁

禮書卷九十二